

सामायिक पाठ : काल-अनंत भ्रम्यो
Sāmāyika Pāṭha: Kāla-Ananta Bhramyō

कविश्री बुध महाचंद्र
Kaviśrī Budh Mahācandra

प्रथम : प्रतिक्रमण-कर्म
Pratham : Pratikramaṇa-Karma

काल-अनंत भ्रम्यो जग में सहये दुःख-भारी ।
जन्म-मरण नित किये पाप को है अधिकारी ॥
कोटि-भवांतर माँहिं मिलन-दुर्लभ सामायिक ।
धन्य आज में भयो योग मिलियो सुखदायक ॥१॥

Kāla-ananta bhramyō jaga mēm sahayē du:Kha-bhārī |
Janma-maraṇa nita kiyē pāpa kō hai adhikārī ||
Kōṭi-bhavāntara māṁhiṁ milana-durlabha sāmāyika |
Dhan'ya āja mair̄ bhayō yōga miliyō sukhadāyaka ||1||

हे सर्वज्ञ जिनेश! किये जे पाप जु में अब ।
ते सब मन-वच-काय-योग की गुप्ति बिना लभ ॥
आप-समीप हजूर माँहिं में खड़ो-खड़ो सब ।
दोष कहुँ सो सुनो करो नठ दुःख देहिं जब ॥२॥

Hē sarvajña jinēśa! Kiyē jē pāpa ju mair̄ aba |
Tē saba mana-vaca-kāya-yōga kī gupti binā labha ||
Āpa-samīpa hajūra māṁhiṁ mair̄ khaṛō-khaṛō saba |
Dōṣa kahūṁ sō sunō karō naṭha du:Kha dēhiṁ jaba ||2||

क्रोध-मान-मद-लोभ-मोह-मायावशि प्राणी ।
दुःख-सहित जे किये दया तिनकी नहिं आनी ॥
बिना-प्रयोजन एकेंद्रिय वि-ति-चउ-पंचेंद्रिय ।
आप-प्रसादहि मिटे दोष जो लग्यो मोहि जिय ॥३॥

Krōdha-māna-mada-lōbha-mōha-māyāvaśi prāṇī |
Du:Kha-sahita jē kiyē dayā tinakī nahī ānī ||
Binā-prayōjana ēkēndriya vi-ti-ca'u-pañcēndriya |
Āpa-prasādahi miṭe dōṣa jō lagyō mōhi jiya ||3||

आपस में इकठौर थापकरि जे दुःख दीने ।
पेलि दिये पगतले दाब करि प्रान हरीने ॥
आप जगत् के जीव जिते तिन सबके नायक ।
अरज करूँ मैं सुनो दोष-मेटो दुःखदायक ॥४॥

Āpasa mēm ikaṭhaura thāpakari jē du:Kha dīnē |
Pēli diyē pagatale dāba kari prāna harīnē ||
Āpa jagat kē jīva jitē tina sabakē nāyaka |
Araja karūṁ mairṁ sunō dōṣa-mēṭō du:Khadāyaka ||4||

अंजन आदिक चोर महा-घनघोर पापमय ।
तिनके जे अपराध भये ते क्षमा-क्षमा किय ॥
मेरे जे अब दोष भये ते क्षमहु दयानिधि ।
यह पडिकोणो कियो आदि षट्कर्म-माँहिं विधि ॥१५॥

Añjana ādika cōra mahā-ghanaghōra pāpamaya |
Tinakē jē aparādha bhayē tē kṣamā-kṣamā kiya ||
Mērē jē aba dōṣa bhayē tē kṣamahu dayānidhi |
Yaha paḍikōṇō kiyō ādi ṣaṭkarma-māṁhiṁ vidhi ||15||

द्वितीय : प्रत्याख्यान-कर्म

Dvītiya : Pratyākhyāna-Karma

(इसके आदि या अंत में 'आलोचना-पाठ' बोलकर फिर तीसरे सामायिक भाव-कर्म का पाठ करना चाहिए।)

(isakē ādi yā anta mēm 'ālōcanā-pāṭha' bōlakara phira tīsarē sāmāyika
bhāva-karma kā pāṭha karanā cāhi'ē.)

जो प्रमादवशि होय विराधे जीव घनेरे ।
तिन को जो अपराध भयो मेरे अघ ढेरे ॥
सो सब झूठो होउ जगत्-पति के परसादै ।
जा प्रसाद तें मिले सर्व-सुख दुःख न लाधे ॥६॥

Jō pramādavaśi hōya virādhē jīva ghanērē |
Tina kō jō aparādha bhayō mērē agha ḍhērē ||
Sō saba jhūṭhō hō'u jagat-pati kē parasādai |
Jā prasāda teṁ mile sarva-sukha du:Kha na lādhe ||6||

में पापी निर्लज्ज दया-करि हीन महाशठ ।
 किये पाप अतिघोर पापमति होय चित्त-दुठ ॥
 निदूँ हूँ मैं बार-बार निज-जिय को गरहूँ हूँ
 सबविधि धर्म-उपाय पाय फिर-फिर पापहि करूँ हूँ ॥७॥
 Mairṁ pāpī nirlajja dayā-kari hīna mahāśaṭha ।
 Kiyē pāpa atighōra pāpamati hōya citta-duṭha ॥
 Nindūṁ hūṁ mairṁ bāra-bāra nija-jiya kō garahūṁ hūṁ ।
 Sabavidhi dharma-upāya pāya phira-phira pāpahi karūṁ hūṁ ॥7॥

दुर्लभ है नर-जन्म तथा श्रावक-कुल भारी ।
 सत-संगति संयोग-धर्म जिन-श्रद्धाधारी ॥
 जिन-वचनामृत धार सभाव तें जिनवानी ।
 तो हू जीव संघारे धिक् धिक् धिक् हम जानी ॥८॥
 Durlabha hai nara-janma tathā śrāvaka-kula bhārī ।
 Sata-saṅgati sanyōga-dharma jina-śrad'dhādharī ॥
 Jina-vacanāmṛta dhāra sabhāva teṁ jinavānī ।
 Tō hū jīva saṅghārē dhik dhik dhik hama jānī ॥8॥

इन्द्रिय-लंपट होय खोय निज-ज्ञान जमा सब ।
 अज्ञानी जिमि करै तिसि-विधि हिंसक हवे अब ॥
 गमनागमन करंता जीव विराधे भोले ।
 ते सब दोष किये निदूँ अब मन-वच तोले ॥९॥
 Indriya-lampaṭa hōya khōya nija-jñāna jamā saba ।
 Ajñānī jimī karai tisi-vidhi hinsaka hve aba ॥
 Gamanāgamana karantā jīva virādhē bhōlē ।
 Tē saba dōṣa kiyē nindūṁ aba mana-vaca tōlē ॥9॥

आलोचन-विधि थकी दोष लागे जु घनेरे ।
 ते सब दोष-विनाश होउ तुम तें जिन मेरे ॥
 बार-बार इस भाँति मोह-मद-दोष कुटिलता ।
 ईर्षादिक तें भये निंदि ये जे भयभीता ॥१०॥
 Ālōcana-vidhi thakī dōṣa lāgē ju ghanērē ।
 Tē saba dōṣa-vināśa hō'u tuma teṁ jina mērē ॥
 Bāra-bāra isa bhāmṁti mōha-mada-dōṣa kuṭilatā ।
 Irṣādika teṁ bhayē nindi yē jē bhayabhītā ॥10॥

तृतीय : सामायिक-भाव-कर्म

Tṛtīya sāmāyika-bhāva-karma

अब जीवन में मेरे समता-भाव जग्यो है ।
सब जिय मो-सम समता राखो भाव लग्यो है ॥
आर्त्त-रौद्र द्वय-ध्यान छाँड़ि करिहूँ सामायिक ।
संजम मो कब शुद्ध होय यह भाव-बधायक ॥११॥
Aba jīvana mēm mērē samatā-bhāva jagyō hai ।
Saba jiya mō-sama samatā rākhō bhāva lagyō hai ॥
Ārtta-raudra dvaya-dhyāna chāñḍi karihūṁ sāmāyika ।
Sañjama mō kaba śud'dha hōya yaha bhāva-badhāyaka ॥11॥

पृथिवी-जल अरु अग्नि-वायु चउ-काय वनस्पति ।
पंचहि थावर-माँहिं तथा त्रस-जीव बसैं जित ॥
बे-इंद्रिय तिय-चउ-पंचेद्रिय-माँहिं जीव सब ।
तिन तें क्षमा कराऊँ मुझ पर क्षमा करो अब ॥१२॥
Pṛthivī-jala aru agni-vāyu ca'u-kāya vanaspati ।
Pañcahi thāvara-māṁhiṁ tathā trasa-jīva basēṁ jita ॥
Bē-indriya tiya-ca'u-pañcēdriya-māṁhiṁ jīva saba ।
Tina teṁ kṣamā karā'ūṁ mujha para kṣamā karō aba ॥12॥

इस अवसर में मेरे सब सम कंचन अरु तृण ।
महल-मसान समान शत्रु अरु मित्रहि सम-गण ॥
जामन-मरण समान जानि हम समता कीनी ।
सामायिक का काल जितै यह भाव नवीनी ॥१३॥
Isa avasara mēm mērē saba sama kañcana aru tṛṇa ।
Mahala-masāna samāna śatru aru mitrahi sama-gaṇa ॥
Jāmana-maraṇa samāna jāni hama samatā kīnī ।
Sāmāyika kā kāla jītai yaha bhāva navīnī ॥13॥

मेरो है इक आतम तामें ममत जु कीनो ।
और सबै मम भिन्न जानि समता रस भीनो ॥
मात-पिता सुत-बंधु मित्र-तिय आदि सबै यह ।
मो तें न्यारे जानि जथारथ-रूप कर्यो गह ॥१४॥
Mērō hai ika ātama tāmeṁ mamata ju kīnō ।
Aura sabai mama bhinna jāni samatā rasa bhīnō ॥

Māta-pitā suta-bandhu mitra-tiya ādi sabai yaha |
Mō tem n'yārē jāni jathāratha-rūpa karyō gaha ||14||

में अनादि जग-जाल-माँहिं फँसि रूप न जाण्यो |
एकेंद्रिय दे आदि जंतु को प्राण-हराण्यो ||
ते सब जीव-समूह सुनो मेरी यह अरजी |
भव-भव को अपराध छिमा कीज्यो कर मरजी ||१५||

Maim anādi jaga-jāla-mām̃him pham̃si rūpa na jāṅyō |
Ēkēndriya dē ādi jantu kō prāṅa-harāṅyō ||
Tē saba jīva-samūha sunō mēri yaha arājī |
Bhava-bhava kō aparādha chimā kījyō kara marājī ||15||

चतुर्थ : स्तवन-कर्म

Caturtha stavana-karma

नमों ऋषभ जिनदेव अजित जिन जीति कर्म को |
सम्भव भव-दुःख-हरण करण अभिनंद शर्म को ||
सुमति सुमति-दातार तार भव-सिंधु पारकर |
पद्मप्रभ पद्मभ भानि भवभीति प्रीतिधर ||१६||

Namaur̃ ṛṣabha jinadēva ajita jina jīti karma kō |
Sambhava bhava-du:Kha-haraṅa karaṅa abhinanda śarma kō ||
Sumati sumati-dātāra tāra bhava-sindhu pārakara |
Padmaprabha padmābha bhāni bhavabhīti prītidhara ||16||

श्रीसुपाश्व कृत पाश-नाश भव जास शुद्ध कर |
श्री चंद्रप्रभ चंद्रकांति-सम देह-कांतिधर ||
पुष्पदंत दमि दोष-कोष भविपोष रोषहर |
शीतल शीतलकरण हरण भवताप-दोषहर ||१७||

Śrisupārśva kṛta pāśa-nāśa bhava jāsa śud'dha kara |
Śrī candraprabha candrakānti-sama dēha-kāntidhara ||
Puṣpadanta dami dōṣa-kōṣa bhavipōṣa rōṣahara |
Śītala śītalakaraṅa haraṅa bhavatāpa-dōṣahara ||17||

श्रेयरूप जिन-श्रेय ध्येय नित सेय भव्यजन ।
वासुपूज्य शतपूज्य वासवादिक भवभय-हन ॥
विमल विमलमति-देन अन्तगत है अनंत-जिन ।
धर्म शर्म-शिवकरण शांतिजिन शांति-विधायिन ॥१८॥
Śrēyarūpa jina-śrēya dhyēya nita sēya bhavyajana ।
Vāsupūjya śatapūjya vāsavādika bhavabhaya-hana ॥
Vimala vimalamati-dēna antagata hai ananta-jina ।
Dharma śarma-śivakaraṇa śāntijina śānti-vidhāyina ॥18॥

कुंथु कुंथुमुख-जीवपाल अरनाथ जालहर ।
मल्लि मल्लसम मोहमल्ल-मारन प्रचारधर ॥
मुनिसुव्रत व्रतकरण नमत सुर-संघहि नमि जिन ।
नेमिनाथ जिन नेमि धर्मरथ माँहि ज्ञानधन ॥१९॥
Kunthu kunthumukha-jīvapāla aranātha jālahara ।
Malli mallasama mōhamalla-mārana pracāradhara ॥
Munisuvrata vratakaraṇa namata sura-saṅghahi nami jina ।
Nēminātha jina nēmi dharmaratha māñhi jñānadhana ॥19॥

पार्श्वनाथ जिन पारस-उपल-सम मोक्ष रमापति ।
वर्द्धमान जिन नमूँ वमूँ भवदुःख कर्मकृत ॥
या-विधि में जिन संघरूप चउबीस-संख्यधर ।
स्तवूँ नमूँ हूँ बारबार वंदूँ शिव-सुखकर ॥२०॥
Pārśvanātha jina pārasa-upala-sama mōkṣa ramāpati ।
Vard'dhamāna jina namūñ vāmūñ bhavadu:Kha karmakṛta ॥
Yā-vidhi mairṁ jina saṅgharūpa ca'ubīsa-saṅkhyadhara ।
Stavūñ namūñ hūñ bārabāra vandūñ śiva-sukhakara ॥20॥

पंचम : वंदना-कर्म

Pāncama: vandanā-karma

वंदूँ में जिनवीर धीर महावीर सु सन्मति ।
वर्द्धमान अतिवीर वंदिहूँ मन-वच-तन-कृत ॥
त्रिशला-तनुज महेश धीश विद्यापति वंदूँ ।
वंदूँ नितप्रति कनकरूप-तनु पाप निकंदु ॥२१॥

Vandūṁ mairṁ jinavīra dhīra mahāvīra su sanmati ।
Vard'dhamāna ativīra vandihūṁ mana-vaca-tana-kṛta ॥
Triśalā-tanuja mahēśa dhīśa vidyāpati vandūṁ ।
Vandūṁ nitapṛati kanakarūpa-tanu pāpa nikandu ॥21॥

सिद्धारथ-नृप-नंद द्वंद-दुःख-दोष मिटावन ।
दुरित-दवानल ज्वलित-ज्वाल जगजीव-उधारन ॥
कुंडलपुर करि जन्म जगत्-जिय आनंदकारन ।
वर्ष बहत्तर आयु पाय सब ही दुःखटारन ॥२२॥

Sid'dhāratha-nṛpa-nanda dvanda-du:Kha-dōṣa miṭāvana ।
Durita-davānala jvalita-jvāla jagajīva-udhārana ॥
Kuṇḍalapura kari janma jagat-jiya ānandakāraṇa।
Varṣa bahattara āyu pāya saba hī du:Khaṭārana ॥22॥

सप्तहस्त-तनु तुंग भंग-कृत जन्म मरण-भय ।
बालब्रह्ममय ज्ञेय-हेय-आदेय ज्ञानमय ॥
दे उपदेश उधारि तारि भवसिंधु-जीव घन ।
आप बसे शिवमाँहि ताहि वंदूँ मन-वच-तन ॥२३॥

Saptahasta-tanu tuṅga bhaṅga-kṛta janma maraṇa-bhaya ।
Bālabrahmamaya jñēya-hēya-ādēya jñānamaya ॥
Dē upadēśa udhāri tāri bhavasindhu-jīva Ghana ।
Āpa basē śivamāṁhi tāhi vandurṁ mana-vaca-tana ॥23॥

जाके वंदन-थकी दोष-दुःख दूरहि जावे ।

जाके वंदन-थकी मुक्ति-तिय सन्मुख आवे ॥

जाके वंदन-थकी वंद्य होवें सुर-गन के ।

ऐसे वीर जिनेश वंदिहूँ क्रम-युग तिनके ॥२४॥

Jākē vandana-thakī dōṣa-du:Kha dūrahi jāve ।

Jākē vandana-thakī mukti-tiya sanmukha āve ॥

Jākē vandana-thakī vandya hōvēṁ sura-gana kē ।

Aisē vīra jinēśa vandihūṁ krama-yuga tinakē ॥24॥

सामायिक-षट्कर्म-माँहि वंदन यह पंचम ।

वंदूं वीर जिनेंद्र इंद्र-शत-वंद्य वंद्य मम ॥

जन्म-मरण-भय हरो करो अब शांति शांतिमय ।

में अघ-कोष सुपोष-दोष को दोष विनाशय ॥२५॥

Sāmāyika-ṣaṭkarma-māñhi vandana yaha pañcama ।

Vandūṁ vīra jinēndra indra-śata-vandya vandya mama ॥

Janma-maraṇa-bhaya harō karō aba śānti śāntimaya ।

Maiṁ agha-kōṣa supōṣa-dōṣa kō dōṣa vināśaya ॥25॥

छठा : कायोत्सर्ग-कर्म

Chaṭhā kāyōtsarga-karma

कायोत्सर्ग-विधान करूँ अंतिम-सुखदाई ।

काय त्यजन-मय होय काय सबको दुःखदाई ॥

पूरब-दक्षिण नमूँ दिशा पश्चिम-उत्तर में ।

जिनगृह-वंदन करूँ हरूँ भव-पाप-तिमिर में ॥२६॥

Kāyōtsarga-vidhāna karūṁ antima-sukhadāi ।

Kāya tyajana-maya hōya kāya sabakō du:Khadāi ॥

Pūraba-dakṣiṇa namūṁ diśā paścima-uttara mēṁ ।

Jinagrha-vandana karūṁ harūṁ bhava-pāpa-timira maiṁ ॥26॥

शिरोनति में करूँ नमूँ मस्तक कर धरिके ।

आवर्तादिक-क्रिया करूँ मन-वच-मद हरिके ॥
तीनलोक जिन-भवन-माँहिं जिन हैं जु अकृत्रिम ।
कृत्रिम हैं द्वय-अर्द्धद्वीप-माँहीं वंदूं जिन ॥२७॥
Śirōnati mair̥m karūṁ namūṁ mastaka kara dharike |
Āvartādika-kriyā karūṁ mana-vaca-mada harike ||
Tīnalōka jina-bhavana-māṁhiṁ jina hair̥m ju akṛtrima |
Kṛtrima hair̥m dvaya-ard'dhadvīpa-māṁhīṁ vandur̥m jina ||27||

आठ कोड़ि परि छप्पन लाख जु सहस सत्याणूं ।
च्यारि शतक-पर असी एक जिनमंदिर जाणूं ॥
व्यंतर-ज्योतिष-माँहिं संख्य-रहिते जिनमंदिर ।
ते सब वंदन करूँ हरहु मम पाप संघकर ॥२८॥
Āṭha kōṛi pari chappana lākha ju sahasa satyāṇūr̥m |
Cyāri śataka-para asī ēka jinamandira jāṇūr̥m ||
Vyantara-jyōtiṣa-māṁhiṁ saṅkhya-rahitē jinamandira |
Tē saba vandana karūṁ harahu mama pāpa saṅghakara ||28||

सामायिक-सम नाहिं और कोउ वैर-मिटायक ।
सामायिक-सम नाहिं और कोउ मैत्रीदायक ॥
श्रावक-अणुव्रत आदि अन्त सप्तम-गुणथानक ।
यह आवश्यक किये होय निश्चय दुःख-हानक ॥२९॥
Sāmāyika-sama nāhiṁ aura kō'u vaira-miṭāyaka |
Sāmāyika-sama nāhiṁ aura kō'u maitrīdāyaka ||
Śrāvaka-aṇuvrata ādi anta saptama-guṇathānaka |
Yaha āvaśyaka kiyē hōya niścaya du:Kha-hānaka ||29||

जे भवि आतम-काज-करण उद्यम के धारी |
ते सब काज-विहाय करो सामायिक सारी ||
राग-रोष-मद-मोह-क्रोध-लोभादिक जे सब |
'बुध महाचंद्र' विलाय जाय ता तें कीज्यो अब ||३०||
Jē bhavi ātama-kāja-karaṇa udyama kē dhārī |
Tē saba kāja-vihāya karō sāmāyika sārī ||
Rāga-rōṣa-mada-mōha-krōdha-lōbhādika jē saba |
'Budha mahācandra' vilāya jāya tā teṁ kījyō aba ||30||

* * * A * * *